

MEMORIA XUSTIFICATIVA DA TRAMITACIÓN DO CONVENIO MARCO DE COLABORACIÓN ENTRE A ADMINISTRACIÓN XERAL DA COMUNIDADE AUTÓNOMA DE GALICIA, A TRAVÉS DA CONSELLERÍA DE MEDIO AMBIENTE E ORDENACIÓN DO TERRITORIO E A FEDERACIÓN GALEGA DE MUNICIPIOS E PROVINCIAS EN MATERIA DE XESTIÓN DE RESIDUOS DE APARELLOS ELÉCTRICOS E ELECTRÓNICOS.

1. Antecedentes

Os puntos limpos de Galicia en funcionamento operan como instalacións de recollida de Residuos de Aparatos Eléctricos e Electrónicos (RAEE), de orixe doméstico, e/ou profesional, se así se establece na correspondente Ordenanza Local Reguladora do Servizo. Como tales instalacións, deben cumprir cos requisitos sobre condicións de recollida, almacenamento e clasificación establecidas no Real Decreto 110/2015, do 20 de febreiro, de residuos de aparatos eléctricos e electrónicos.

A disposición transitoria segunda do citado Real Decreto 110/2015, sobre a adaptación das instalacións de recollida das entidades locais, establece que as comunidades autónomas e as entidades locais aplicarán plans de adaptación dos puntos limpos e das instalacións de recollida municipais ás previsións do Real Decreto, mediante calendarios graduais, cun prazo máximo de cinco anos dende a entrada en vigor do mesmo.

Posto que as administración públicas poden celebrar convenios de colaboración con outras entidades públicas e con persoas xurídicas suxeitas a Dereito Privado, ao amparo do disposto no artigo 4 do Real Decreto Legislativo 3/2011, do 14 de novembro, polo que se aproba o texto refundido da Lei de Contratos do Sector Público (TRLCSP) e no Acordo do Consello da Xunta do 27 de marzo de 1991, sobre convenios de cooperación con outros entes públicos e de colaboración con particulares, a Consellería de Medio Ambiente e Ordenación do Territorio (CMAOT) considera oportuno establecer un convenio de colaboración coa Federación Galega de Municipios e Provincias (FEGAMP),



destinado a mellorala xestión dos residuos de aparellos eléctricos e electrónicos nos puntos limpos daquelas entidades locais que se adhiran ao convenio marco.

A xestión de residuos, constitúe un dos piares básicos do benestar polo que a cooperación e a colaboración entre Administracións Públicas resulta prioritaria para establecer políticas comúns, sumar esforzos e optimizar os recursos das políticas públicas en materia de xestión de residuos.

2. Obxecto

O convenio ten por obxecto establecer o marco xurídico a partir do cal, nos puntos limpos das entidades locais que se adhiran ao mesmo, e previo procedemento de contratación ao amparo do TRLCSP, se subministre o equipamento para a recollida e clasificación de RAEE que se indica a continuación:

- Medios para a pesada dos RAEE recollidos.
- Marquesiñas para o almacenamento dos RAEE.
- Barreiras de estanquidade e beirís perimetrais.
- Carteis distintivos correspondentes ás distintas fraccións de RAEE

3. Vixencia

A vixencia do convenio estenderase desde o día seguinte ao da súa sinatura ata o 31 de decembro de 2017.

4. Financiamento

Para a execución dos compromisos asumidos pola Comunidade Autónoma de Galicia, resérvase con cargo á aplicación orzamentaria 07 03 541D 623.1 a cantidade de cincocentos trinta e seis mil novecentos setenta e nove euros, con oitenta e cinco céntimos #536.979,85€#, coa seguinte distribución anual:



- Exercicio 2016: 304.999,86 €
- Exercicio 2017: 231.979,99 €

O obxecto desta contratación cofinánciase pola Unión Europea a través do Fondo Europeo de Desenvolvemento Rexional (FEDER) nun 80% no marco do Programa Operativo Feder Galicia 2014-2020. A actuación enmárcase dentro do Programa Operativo no eixe prioritario 6 “conservar e protexer o medio ambiente e promover a eficiencia dos recursos”, prioridade de investimento 6.1. “O investimento no sector dos residuos para cumprir os requisitos do acervo da Unión en materia de medio ambiente e para abordar as necesidades, determinadas polos Estados membros, dunha inversión que vaia máis alá de ditos requisitos”, obxectivo específico 6.1.1. “Desenvolver a separación, recollida selectiva e tratamento de residuos, incluíndo as accións de peche de ciclo; contemplando tanto os plans de xestión como os investimentos en infraestruturas”.

5. Organización para a xestión do Convenio. j

Para velar polo cumprimento do estipulado, constituirase unha comisión paritaria de seguimento da execución do convenio, formada por dous representantes da CMAOT e dous representantes da FEGAMP, que actuará como órgano de vixilancia, seguimento e control do establecido neste convenio, promovendo, se o considera adecuado, outras actuacións que poidan enriquecer o seu desenvolvemento.

6. Réxime xurídico.

De conformidade co disposto no artigo 4 do TRLCSP este convenio está excluído do su ámbito de aplicación, sen prexuízo de que se apliquen os seus principios para resolver as lagoas e dúbidas que puideran presentarse.

Non obstante, este convenio ten natureza administrativa, polo que, sen prexuízo das funcións da comisión de seguimento, o coñecemento das





XUNTA DE GALICIA
CONSELLERÍA DE MEDIO AMBIENTE
E ORDENACIÓN DO TERRITORIO
Secretaría Xeral de
Calidade e Avaliación Ambiental



FONDO EUROPEO DE
DESENVOLVEMENTO REXIONAL
"Unha maneira de facer Europa"

galicia

cuestións litixiosas que poidan xurdir en torno á súa interpretación, aplicación, modificación, resolución e efectos, corresponderá á xurisdición contencioso – administrativa.

O secretario Xeral de Calidade e Avaliación Ambiental

Justo de Benito Basanta

